

永平縣志書

按永昌府志摘錄

永平縣志書

按永昌府志摘錄

永平縣志書

氣候

永平縣氣候和平惟四面多崇山峻嶺雲合即雨即夏秋間不甚暑熱境內亦並無煙瘴諸毒

疆域

永平縣在府東北至漾濞交蒙化廳界二百四十五里西至叮當山交保山縣界六十里南至稻梯交順寧縣界六十里北至乾海子交雲龍州界八十里東西廣二百四十里南北袤一百四十里

形勢

永平縣重巒鳥道西限瀾滄之險可稱永昌咽喉

通志

崖深澗僻地隘山高東連寶藏之雄西峙金滄之險為永郡之咽喉亦大理之犄角

山川

瀾滄江在永昌城北八十里羅岷山下漢書所謂博南蘭津也源出吐蕃其深莫測其流如奔東過順寧達車里入南海漢明帝兵開博南行者愁怨作歌曰漢德廣開不賓渡博南越蘭津渡瀾滄為他人及此地也蒙氏僭封為四賁之一

舊屬永昌自民國元年杉木和改隸永平以此江分界故摘錄之

杉木和河

在城西九十里流出順寧入瀾滄江

花橋山 在縣西南三十五里高二十丈上有鉄礦今奉禁不開

博南山 在縣西南四十五里一名金浪巖俗訛為叮當山高二十里崇峻坡委曲嶙峋為西邨通衢漢以此山遂名為縣

和邱山 在縣西三十里高可千餘仞盤迴五十里山頂雲合即雨眾峯聳秀為遠近所瞻目

羅木山 在縣北八里翠列三峯其峯狀如筆架西臨銀龍江

天馬山 在縣東五十里以形似得名

七盤山 在縣西北三十五里

阿荒山 在縣北銀龍江發源於此

羊街山 在羅木山北百里山半有泉湧出是為一碗水

寶藏山 在縣東七十里一名觀音山迥然天際俯視萬峯相傳武侯南征至此迷道一老嫗呼犬從絕徑出始得路因建廟

於上俗名娘
娘叫狗山

靈化山

在縣北銀龍江上游峯巒聳秀上有玉皇閣靈應庵著色人多祈福於此

羅武山

在縣東百里勢極高峻有泉流為勝備江

萬松山

在縣東北五十五里萬松樹三故名

桃源河

在縣西四里源發和邱山東流銀龍江

木里場河

在縣北三里源發大卓盤山流至通津橋達於銀龍江

曲碕河

在縣西南十里源發和邱山陰入銀龍江其南有溫塘水暖而清四時可浴

薩石龍潭

有三其一廣二十畝有奇其二各十畝餘水極澄清人跡罕至或偶至其處驟雨即至水流為河過馬街子入

於銀龍江

道路

一自永平正東由黃連堡東南出牛坐山至灑拉亭了口五十里

交蒙化縣界

一自永平正東大路至漾濞雲龍橋由雲龍橋東北從桑不老至登頭五十里交鄧川州界由桑不老正東至阿浪二十里交浪穹縣界

一自永平東南由薩右村一百里至小邑里由小邑里正東出鬼口五十里至鷄街交蒙化縣界由小邑里東南出阿貝村過鬼星村至馬街里四十里交蒙化縣界

一自永平正南從門坎至岔路四十里順寧縣界岔路東南至梯十五里交順寧縣界由岔路西南從漂浪出南山二十里交保山縣界

一自永平正西由小田壩出大箐至江邊七十里交保山縣界

一自永平西北由石衝出棹盤至沙魯六十里交保山縣界

一自永平正北由小羅武大羅武出那白河西夕至箭桿場風洞

一百五十里交雲龍州界由大羅武東北出鷄鳴山鹿鳴河過

羅裏密阿土郎至橫場一百三十里交浪穹縣界

一自永平東由東山出西里過阿里浪至破裡場一百六十里交

浪穹縣界

風俗

永平山多田少舊為羣彝雜處之地其服食禮儀悉如永昌而俗習淳樸鄙浮薄惡遊蕩居山谷中者有裸羅焚人羅武數種亦

知倫理婚姻喪葬與漢禮相去不遠其子弟之俊秀者皆知業儒有古風焉

沿革

本漢為博南縣

以山名

屬永昌郡

晉

因之永和中改永平縣

以博南縣設於

明帝永平時改改今名

唐南詔蒙氏置勝鄉郡宋阻聲教元初廢郡立永

平千戶所後復為永平縣屬永昌府明洪武初因之仍屬永昌

府三十三年改屬金齒軍民指揮使司立永平禦前後左右二

千戶所嘉靖二年改隸永昌軍民府編戶九里曰上甸曰江東

曰江西曰漾濞曰場澗曰碧堤曰大邑曰江尾曰小邑

城池

永平縣城明洪武十六年指揮雷松立木為柵跨銀龍江之上二十八年指揮時瑀改築甃城周三里三分高二丈有池廣二丈深五尺先是江流貫城南有水洞每值水洞竊盜乘以出入萬曆間兵備道華存禮濬東西濠為河改水分流城外會於城南砌塞水洞為牆後河水泛漲不循河道橫流城中民居官署淹沒無存因遷縣署於南門外大河之西城郭遂廢乾隆二十四年巡撫劉秉怡題請委知縣魏成漢改建西山之麓周三里三分高一丈四尺設四門東曰向日南曰文明西曰永定北曰朝京以銀龍江為城東襟帶西南北無池三十三年署知縣宣世濤重修咸豐八年為狃逆竊據概行折毀未修

官署

永平縣治自漢晉迄元俱在江之東前明洪武年間建於江之西南延至天順間主簿郭本重修乾隆二十六年知縣何良臣奉文新建縣城建署於城內西北中為堂堂後為川堂又後為知縣內廨又後為棲堂前為南道為戒石亭旁為六房又前為儀門為大門咸豐丙辰兵燹焚燬同治十一年移於曲硐光緒二十年知縣鄧宗裕移回老街城西大街之後嗣因地勢卑窪迭遭水患三十二年知縣周儒彬移建城西之土主廟基址並建典史署於左側宣統三年九月反正後現任知事李治奉李師長根源令移駐曲硐

杉木和巡檢署在城西九十里明洪武二十二年建舊隸永昌民國元年改隸永平

龍街巡檢署在城南一百二十里民國元年因典史裁撤稟准於

龍街增設巡檢一員

教諭署在學宮明倫堂右兵燹焚燬移於曲碕民國元年裁撤現

暫作縣自治公所

訓導署在學宮明倫堂左兵燹焚燬移於曲碕光緒三十四年奉

文裁撤現時暫作電報局

典史署在縣治右乾隆四十八年典史郝杜重修兵燹折毀移於

曲碕北柵內光緒甲午年移建老街縣治右民國元年裁撤

守備署在城東門內咸豐元年知縣沈保恒新建經兵燹焚燬移
於曲碕北柵內光緒三十二年裁撤

演武廳在曲碕北柵外現已無存

縣自治公所在曲碕東門

勸學公所設老街舊縣署

實業公所設老街舊典史署

電報局設曲碕副學衙門

警察總局設曲碕大街

公館

永平縣 公館有五

一在太平鋪 一在水定站 一在天井鋪 一在縣治西南
今廢 一在花橋

關哨塘汛

花橋關 永平縣西南有花橋河上有花橋關亦曰玉龍關在城
西南四十里下有花橋河控扼險扼之處也

上甸關 永平縣東北有上甸平夷關在城北二十里明初置上
甸定夷關巡司後省

平蠻哨 在城東二十里

杉松哨 在城東四十里

萬松哨 在城東六十里

叫狗山哨 在城東八十里

陡坡哨 在城東一百五十里

清水哨 在城東一百七十里

鐵廠哨 在城西三十里

羊圈哨 在城西四十五里

蒙能哨 莽卜浪哨 俱在永平縣舊共設兵四十五名今裁

永平汛 永昌協右營守備駐防頭司把總一員戰兵二十一員

守兵三十九名

杉木和汛 在城西南永昌協左營分防外委千總一員步兵十

五名後改設左營左哨頭司把總一員戰兵十二名守兵二十

三名

龍街汛 永昌協右營分防外委把總一員守兵十五名光緒二

十九年奉文裁撤

燕子河汛 永昌協右營分防外委把總一員戰兵五名守名十

名

永定汛 永昌協右營分防外委把總一員戰兵四名字名十八

名

太平汛 永昌協右營分防原係栢水汛光緒元年移於太平汛

外委把總一員戰兵四名字守兵十六名

二天井塘 羊園哨塘 花橋塘 鐵廠塘 桃園鋪塘 縣前

鋪塘

平蠻哨塘

梅花鋪塘

杉松哨塘

三天井塘

萬松蒼塘

白土鋪塘

叫狗山塘

黃連鋪塘

勝備鋪塘

津梁

廣濟橋

在城西三十里

太平橋

一名銀江橋在城東南跨銀龍江長四十丈高二丈五尺廣二丈嗣水漲斷橋知縣姚孔鎮修復又傾圮知縣宣世

濤修光緒二十六年八月三日大水冲折現未修

安定橋

在城北八里木里場村跨銀龍江上現無

九渡橋

在城東北五十里跨九渡河上

通津橋

在城南關外與太平橋接境